



**R.P. Petri Laurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

62. An ergo in his omnibus & similibus Vicarius fruatur præcedentiâ, etiam præesente Episcopo.

[urn:nbn:de:hbz:466:1-74203](https://nbn-resolving.org/urn:nbn:de:hbz:466:1-74203)

principio Missæ, post Evangelium, & in Offertorio, sed in Offertorio tantum absente Episcopo ter, presente bis dicto thuribulo. Neque ei deferri debet liber Evangelii descultandus. Item in adoratione Crucis & acceptione cinerum. Ventrigl. num. 8.

Questio 62. An ergo in his omnibus & similibus Vicarius fruatur dictâ præcedentiâ etiam præsentē Episcopo?

Respondeo affirmativè: Ita contra Menoch. conf. 51. & 257. & Marefch. var. l. 3. c. 69. tenent Sbroz. l. 2. q. 25. citans Melih. tr. de preced. Vicar. c. 4. num. 2. & Anton. de Pretis. tr. de jurisd. Episc. c. 6. Cuch. in instit. jur. Can. tit. de Vicar. Episc. num. 33. cum sequent. (ubi is etiam dicat, ineptum esse illum mihi antecellere, in quem Jus dicere possum; seu adsit seu absit Episcopus) Carol. de Luca num. 1. ad Ventrigl. tom. 2. annot. 14. §. 2. citans Riccium. in pr. Tom. 2. resol. 390. Barbof. in sum. decis. Apostol. v. Vicarius general. Fagn. in c. ad hæc. num. 29. ubi: Vicarius sive præfens sit Episcopo sive absens, debet sedere in prima sede ratione sue locumtenentiæ; & præferri omnibus Canonicis & Capitulo, tam in actibus, in quibus intervenit ratione sua jurisdictionis, quam in aliis omnibus indifferentibus, præcedendo ipsum Archidiaconum & Archipresbyterum, ut reprobat duobus consiliis Menochii, num. 51. & 52. respondit Robusterius Rota auditor in quodam suo voto apud Gratian. discept. for. c. III. num. 23. Eadem ferè habet Lotter. de re benef. l. 1. q. 16. num. 65. & sic Sbroz. l. 2. q. 24. num. 16. ubi ex Anton. de Pret. tr. de jurisd. Episc. c. 6. irridet eos, qui sentire dicuntur, Vicarium præsentē Episcopo non deberi honorari, ne duo videantur capita. Et inter alios pleno calamo, ut inquit Carol. de Luca, Pignat. cit. consult. 64. num. 3. ubi: Nam Vicarius est non esset Prælatum, est tamen Superior etiam in præsentia Episcopi, licet non exerceat jurisdictionem; quia est electus ad jurisdictionem exercendam, habet gradum, titulum, atque ideo præcedentiâ respectu ceterorum. Et num. 6. ubi: Quare de præsentē est subrogatus in locum Episcopi, in quo est præfens, & in præsentē constitutus in dignitate pro exercenda jurisdictione; & ideo tanquam de præsentē subrogatus, & de præsentē habens dignitatem subrogationis, debet etiam de præsentē frui privilegiis illius, in cujus locum est subrogatus. Nam tunc solum non debet frui, si existat is, in cujus locum est subrogatus, quando subrogatio non dat de præsentē gradum & dignitatem, &c.

2. Contrarium nihilominus tradit Ventrigl. cit. n. 20. ubi: Non solum in Synodo diocesana Vicarius non præcedit Capitulum, sed generaliter in omni casu, in quo Episcopus interveniens uti collegium, ut est in processionibus & in similibus actibus; his enim casibus præfertur Capitulum Vicario; quia Episcopus & Capitulum faciunt corpus, nec Capitulum, & Canonici debent separari ab Episcopo, qui est caput; quia inconveniens est & contra naturam membra separari à corpore, ita tenent, & susceperant Mandos. de vas. concell. l. 1. divers. juris argument. c. 1. per totum. Gratian. discept. for. c. III. per tot. pergitque Ventrigl. num. 21. ex dictis intellige dictum aliquorum; Vicarium præsentē Episcopo non debere honorari, nec præcedere Capitulum & dignitates. Id enim intelligitur, quando Episcopus & Capitulum interveniunt collegialiter & capitulariter, ita ut faciant unum corpus & collegium. Exemplificat DD. in choro, funeralibus, processionibus, & similibus actibus, in quibus actibus absente deinde Episcopo omnes concludunt, præferendum esse Vicarium Capitulo & Canonicis. Idem tenere videtur Pignat. Tom. 4. consult. 90. num. 6. ubi ait: Vicarius Episcopi

non potest se collocare inter Episcopum & Clerum, ne membra separantur à corpore. Verum ad hæc respondet ipse Pignat. loc. cit. num. 3. quod Vicarius etiam constituit unum caput moraliter cum Episcopo, sicut constituit cum eo unum ac idem tribunal. Fateturque ipse Ventrigl. cit. num. 2. prædicta à se in choro non indistinctè servari; cum videamus passim interveniente Episcopo, Vicarium sedere ante omnes Canonicos & dignitates.

Questio 63. Num itaque dictâ de præcedentiâ Vicarii non patiuntur exceptiones & limitationes?

Respondeo negativè: Sunt enim exceptiones sequentes. Prima, quod præcedet Archidiaconum & Archipresbyterum similesque dignitates, dum illi subditi sunt Vicario; sicut si ei subditi non sint, ut contingit v.g. dum est Vicarius Papiensis, & Archidiaconus Cremonensis in aliena, seu in tertia aliqua Diocesi, & contendunt de loco priore, præcedere enim tunc debere Archidiaconum, secus, si uterque subditus eidem Episcopo asserit. Sbroz. loc. cit. num. 22. ex Cuch. tit. de Vicar. Episc. num. 35.

2. Secunda, quod quando consuetudo esset in contrarium quod ad acceptionem candelæ, palmæ, cinerum, thurificationem, adorationem Crucis, &c. ita ut ea accipere ac facere soleat Vicarius post alios Canonicos, ea consuetudo servanda sit, prout voluisse S. Congregat. R. in Neocastrens. 16. Jan. 1618. in Alexandrin. 15. Mart. 1608. testantur Ventrigl. l. cit. n. 8. Pax Jord. loc. cit. num. 247. Sic, de facto in multis Ecclesiis observatur contrarium, nempe quod Vicarius generalis intra & extra Ecclesiam subsequi debeat Archidiaconum, Præpositum, & Decanum; imò etiam in quibusdam locis omnes Canonicos Cathedralis (intellige, ubi Vicarius non esset Canonicus Cathedralis) Laym. in c. ut Archidiaconus. num. 4. & ex eo Pirh. cit. num. 34. dicentes difficile esse talem consuetudinem damnare. Pro qua consuetudine sustinenda hanc afferunt rationem & declarationem; quod cum unus idemque diverso respectu possit esse major & minor altero, eidemque præferri & postponi in ordine ad diversas causas & loca, ut constat ex l. 1. cap. de off. Vicar. ubi habetur, Vicarium etiam Præfetti Prætorii in causis civilibus & judiciis esse præferendum comitibus militaribus, sed in rebus militaribus postponendum: Hinc Vicarius Episcopi poterit esse superior & major dignitate in tribunali suo, aliosque præcedere debet, quatenus actu ibi vices Episcopi gerit, & jurisdictionem in omnes Clericos etiam Archidiaconum exercet: extra tribunal verò suum post alios sequi, iisque postponi in processionibus, choro & aliis conventibus, & ita respectivè (ut Pirh. nam Laym habet ita, ut absolute censeatur minor) potest Vicarii dignitas esse minor quam aliarum quædam dignitates Ecclesiæ Cathedralis. De tali quoque consuetudine testatur Engels ad tit. de major. & obed. n. 6. eamque retinendam asserit ex Navar. conf. 1. de major. & obed. quin & eam extendit, ita ut Abbates quoque in locis & casibus, in quibus præcedunt Canonicos, præcedant quoque Vicarium juxta axiomam: Si vinco vincentem te, multò magis vincote. His tamen non obstantibus contrarium, nempe Vicarium frui dictâ præcedentiâ supra Canonicos & dignitates (saltem absente Episcopo, ut Ventrigl. & Barbofa paulò post citandi) non obstante consuetudine aliisque in contrarium tenent Barbof.